

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 6 NOVEMBER 2023, PUKUL 10.00 PAGI

Bil. 66

PERTANYAAN-PERTANYAAN BAGI JAWAB LISAN

1. PR-1523-L21130
Dato' Mohd Isam bin Mohd Isa [Tampin] minta **MENTERI PERTANIAN DAN KETERJAMINAN MAKANAN** menyatakan jenis tanaman serta ternakan yang sedang diberikan tumpuan bagi menambah baik Tahap Sara Diri (SSL) agar dapat meningkatkan keterjaminan dan mengurangkan kebergantungan import makanan.
2. PR-1523-L21950
Dato' Sri Saifuddin Abdullah [Indera Mahkota] minta **MENTERI EKONOMI** menyatakan status pelaksanaan Rangka Tindakan Ekonomi Digital Malaysia (MyDIGITAL).
3. PR-1523-L22080
Datuk Andi Muhammad Suryady bin Bandy [Kalabakan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah perkembangan terkini projek tebatan banjir dan pembinaan tebing di lencongan sungai Tawau melibatkan kawasan Kampung Pasir Putih dan Kampung Tanjung Batu memandangkan isu banjir yang semakin teruk berlaku di kawasan ini.
4. PR-1523-L22460
Tuan Afnan Hamimi bin Taib Azamuddin [Alor Setar] minta **MENTERI KERJA RAYA** menyatakan apakah halatuju Kerajaan Persekutuan terhadap sistem RFID di semua lebuh raya dan apakah usaha untuk menambah baik sistem kutipan tol untuk kelancaran pengguna lebuh raya.

5. PR-1523-L22514
Dato' Seri Dr. Wan Azizah Wan Ismail [Bandar Tun Razak] minta **MENTERI SUMBER MANUSIA** menyatakan ketidakpadanan kemahiran dikenal pasti sebagai faktor utama yang menghalang keupayaan sumber tenaga kerja untuk beralih kepada negara berpendapatan tinggi, apakah langkah-langkah yang diambil untuk menangani isu ini.
6. PR-1523-L22536
Tuan Rushdan bin Rusmi [Padang Besar] minta **MENTERI PELANCONGAN, SENI DAN BUDAYA** menyatakan perancangan Kementerian dalam memartabatkan kesenian dan kelestarian kebudayaan bercirikan Malaysia khususnya pada Tahun Melawat Perlis 2024.
7. PR-1523-L21788
Tuan Chow Yu Hui [Raub] minta **MENTERI PENDIDIKAN TINGGI** menyatakan bilangan kemasukan pelajar ke universiti awam (UA) berdasarkan pecahan Sijil Tinggi Persekolahan Malaysia (STPM), Kolej Matrikulasi, ASASI, dan saluran lain-lain dari tahun 2019 hingga 2023, termasuk sesi akademik 2023/2024.
8. PR-1523-L22597
Tuan Wan Ahmad Fayhsal bin Wan Ahmad Kamal [Machang] minta **MENTERI PELABURAN, PERDAGANGAN DAN INDUSTRI** menyatakan pendirian Kerajaan terhadap pelaburan China di Malaysia khususnya menerusi Inisiatif Jalur dan Laluan (BRI) mengambil kira prospek risiko tersembunyi pinjaman dan implikasi jangka panjang seperti kos alam sekitar, potensi 'perangkap hutang' serta risiko terhadap kedaulatan negara.
9. PR-1523-L21851
Tuan Khoo Poay Tiong [Kota Melaka] minta **MENTERI EKONOMI** menyatakan program-program libat urus yang akan dilaksanakan oleh Kerajaan dengan semua pemegang taruh sebelum rancangan subsidi bersasar dilaksanakan pada tahun 2024 dan apakah jenis subsidi bersasar yang bakal dilaksanakan itu dan juga manfaat yang boleh dinikmati oleh ekonomi negara.
10. PR-1523-L22303
Tuan Nurul Amin bin Hamid [Padang Terap] minta **MENTERI KERJA RAYA** menyatakan komitmen Kerajaan terhadap projek menaik taraf jalan dari Jambatan Sungai Durian FT175 ke Simpang ke Kota Putra, Durian Burung, daerah Padang Terap, Kedah yang telah ditetapkan pada *Rolling Plan 4* (RP4), Rancangan Malaysia Kedua Belas (RMKe-12) untuk dimasukkan pada *Rolling Plan 5* (RP5).

11. PR-1523-L21150

Tuan Lo Su Fui [Tawau] minta **MENTERI KEMAJUAN DESA DAN WILAYAH** menyatakan status terkini dan bilakah tender diturunkan dan lantikan kontraktor bagi projek bekalan air luar bandar untuk Kampung Bukit Quion, Kampung Jawa Kongsu 10, dan Loji Air Balung memandangkan bekalan air di Tawau masih dalam keadaan kritikal menyebabkan banyak rakyat menghadapi masalah bekalan air.

12. PR-1523-L22326

Dr. Ahmad Fakhruddin bin Fakhruddin [Kuala Kedah] minta **MENTERI PERTANIAN DAN KETERJAMINAN MAKANAN** menyatakan strategi dan tindakan yang diambil oleh Kementerian untuk meningkatkan pengeluaran hasil tanaman sayur-sayuran dan buah-buahan bagi mengurangkan kebergantungan kepada import makanan.

13. PR-1523-L21211

Datuk Seri Utama Hasni bin Mohammad [Simpang Renggam] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan perkembangan terkini kapasiti terpasang Tenaga Boleh Baharu Malaysia dalam usaha mencapai sasaran 31% menjelang 2025.

14. PR-1523-L21962

Tuan Fathul Huzir bin Ayob [Gerik] minta **MENTERI PENDIDIKAN TINGGI** menyatakan apakah Menteri berhasrat mewujudkan IPT di Gerik memandangkan ia mempunyai kawasan yang luas bagi tujuan penempatan dan pembangunan kampus. Gerik juga terletak di tengah-tengah jalan utama yang menghubungkan negeri-negeri di pantai barat, negeri di sebelah utara negara dan juga bersempadanan antarabangsa dengan negara Thailand.

15. PR-1523-L21859

Tuan Manndzri bin Nasib [Tenggara] minta **MENTERI SUMBER MANUSIA** menyatakan berapa jumlah industri ataupun sektor pekerjaan yang digariskan di bawah Standard Kemahiran Pekerjaan Kebangsaan (NOSS) yang diiktiraf oleh Jabatan Perkhidmatan Awam (JPA) bagi membolehkan seseorang diterima bekerja dalam sektor awam.

16. PR-1523-L21717

Datuk Ali anak Biju [Saratok] minta **MENTERI KERJA RAYA** menyatakan status pelaksanaan Lebuhraya Pan Borneo Fasa 2 atau Sarawak Sabah Link Road (SSLR), serta usaha yang diambil oleh Kerajaan untuk mempercepat pembinaan projek ini termasuk perincian mengenai cadangan kaedah tender pra kelayakan.

17. PR-1523-L21178
Datuk Seri Dr. Noraini Ahmad [Parit Sulong] minta **MENTERI SUMBER MANUSIA** menyatakan sehingga kini berapa jumlah peratusan belia yang bekerja dalam industri TVET dan daripada jumlah tersebut berapa ramai yang menerima pendapatan lebih dari RM3,000 sebulan dan apakah tindakan Kementerian dalam menangani masalah ketidakpadanan gaji dengan pekerjaan dalam bidang tersebut.
18. PR-1523-L22113
Tuan Ahmad Fadhli bin Shaari [Pasir Mas] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan perkembangan pembinaan Projek Pembangunan Lembangan Sungai Bersepadu (PLSB) Sungai Golok (KESBAN) dan bilakah ia dijangka siap sepenuhnya.
19. PR-1523-L21447
Dato' Haji Shamshulkahar bin Mohd Deli [Jempol] minta **MENTERI PELANCONGAN, SENI DAN BUDAYA** menyatakan apakah Kementerian bercadang menggubal suatu Rang Undang Undang (RUU) berkaitan inap desa dan sewaan rumah percutian yang kini banyak dilanggan di atas talian melalui syarikat hospitaliti seperti *Airbnb* supaya melindungi hak tuan rumah (*host*) dan juga pelanggan.
20. PR-1523-L21773
Tuan Syed Saddiq bin Syed Abdul Rahman [Muar] minta **MENTERI EKONOMI** menyatakan berdasarkan Laporan Statistik Upah Pekerja bagi sektor formal yang melaporkan sebanyak 47 peratus pekerja mendapat upah di bawah Paras Garis Kemiskinan:
- (a) apakah langkah yang akan diambil kerajaan bagi berdepan dengan masalah gaji yang struktural; dan
 - (b) adakah kerajaan akan mempertimbangkan untuk menggunakan konsep gaji wajar berbanding gaji minimum.
21. PR-1523-L22140
Tuan Ganabatirau A/L Veraman [Klang] minta **MENTERI PENDIDIKAN TINGGI** menyatakan berapa jumlah bilangan tepat kuota bukan Bumiputera yang ditetapkan dan jumlah pelajar bukan Bumiputera yang menerima tawaran untuk melanjutkan Pelajaran di universiti awam, politeknik, kolej komuniti, biasiswa JPA dan ILKA bagi sesi 2023/2024.

22. PR-1523-L21953

Dato' Sri Saifuddin Abdullah [Indera Mahkota] minta **MENTERI SUMBER MANUSIA** menyatakan adakah Kementerian masih menganggap pekerja asing sebagai isu paling utama dalam sektor pekerjaan negara atau Kementerian mempunyai pandangan dan perancangan yang lebih komprehensif dan progresif.

23. PR-1523-L21606

Dato' Sri Ismail Sabri bin Yaakob [Bera] minta **MENTERI EKONOMI** menyatakan :

- (a) mekanisme atau kaedah yang akan digunapakai bagi pemberian subsidi bersasar menerusi Sistem Pangkalan Data Utama (PADU); dan
- (b) sejauh manakah ketepatan data dalam sistem PADU agar setiap golongan B40 dan M40 khususnya di negeri kurang membangun tidak akan tercicir.

24. PR-1523-L22312

Tuan Muhammad Fawwaz bin Mohamad Jan [Permatang Pauh] minta **MENTERI PERTANIAN DAN KETERJAMINAN MAKANAN** menyatakan langkah drastik, jangka pendek dan panjang pihak Kementerian untuk mengawal harga beras yang semakin meningkat serta kekurangan beras tempatan di pasaran.

25. PR-1523-L21337

Datuk Seri Panglima Bung Moktar bin Radin [Kinabatangan] minta **MENTERI KERJA RAYA** menyatakan apakah perancangan Kerajaan dalam meneruskan pelaksanaan jajaran Lebuhraya Pan Borneo di Sabah bagi Fasa 1 dan Fasa 2.

26. PR-1523-L22176

Tuan Wan Razali bin Wan Nor [Kuantan] minta **MENTERI PELANCONGAN, SENI DAN BUDAYA** menyatakan apakah tindakan Kementerian dalam mempromosikan dan mempelbagaikan aktiviti pelancongan di pesisiran Sungai Kuantan dan Sungai Pahang.

27. PR-1523-L21233

Tuan Sanisvara Nethaji Rayer A/L Rajaji [Jelutong] minta **MENTERI SUMBER MANUSIA** menyatakan bolehkah Kerajaan Persekutuan menambah peruntukan yang diberikan setiap tahun kepada Lembaga Wakaf Hindu, Pulau Pinang (Hindu Endowments Board Penang).

28. PR-1523-L22529

Datuk Haji Ahmad Marzuk bin Shaary [Pengkalan Chepa] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :

- (a) status pelaksanaan Pembangunan Lembangan Sungai Bersepadu (PLSB) Sungai Kelantan dan Sungai Golok; dan
- (b) status pembinaan sistem bekalan air luar bandar (BALB) Kampung Pengkalan Nangka dan kawasan Tumpat, Kelantan yang telah diluluskan oleh Kementerian di bawah permohonan Rolling Plan 4.

29. PR-1523-L21184

Datuk Seri Dr. Noraini Ahmad [Parit Sulong] minta **MENTERI PERTANIAN DAN KETERJAMINAN MAKANAN** menyatakan apakah punca bekalan beras tempatan di pasaran berkurangan secara mendadak sehingga menjejaskan bekalan kepada rakyat serta apakah langkah drastik yang telah diambil bagi mengatasi masalah tersebut.

30. PR-1523-L21671

Tuan Haji Muhammad Islahuddin bin Abas [Mersing] minta **MENTERI KERJA RAYA** menyatakan sejauh mana pelaksanaan projek menaik taraf jalan-jalan penempatan FELDA dan jalan-jalan ladang milik peneroka yang mengalami kerosakan di negeri Johor khususnya jalan-jalan ladang dalam kawasan FELDA Tenggara Timur 1, Mersing.

31. PR-1523-L22484

Datuk Suhaimi bin Nasir [Libaran] minta **MENTERI PERTANIAN DAN KETERJAMINAN MAKANAN** menyatakan apakah usaha yang telah dilaksanakan oleh Kementerian bagi melahirkan lebih ramai petani muda bagi menangani masalah berkaitan sekuriti makanan.

32. PR-1523-L21255

Dato' Sri Richard Riot anak Jaem [Serian] minta **MENTERI PERTANIAN DAN KETERJAMINAN MAKANAN** menyatakan langkah pendek dan langkah panjang untuk mengatasi masalah kekurangan beras.

33. PR-1523-L21800

Tuan Tan Hong Pin [Bakri] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status peningkatan ketelusan dan keberkesanan dengan Bursa Malaysia dalam usaha membuktikan syarikat Malaysia tidak terlibat dalam jerebu serantau di Indonesia dan juga status menggubal Akta Jerebu Rentas Sempadan sebagai langkah membuktikan syarikat Malaysia yang beroperasi di Indonesia tidak terlibat dalam kebakaran hutan.

34. PR-1523-L22663

Dato' Wira Dr. Ku Abd Rahman bin Ku Ismail [Kubang Pasu] minta **MENTERI EKONOMI** menyatakan apakah asas-asas yang digunakan dalam mensasarkan pelaburan swasta purata RM300 Billion setahun bagi tahun 2023 hingga 2025.

35. PR-1523-L21219

Tuan Fong Kui Lun [Bukit Bintang] minta **MENTERI EKONOMI** menyatakan perincian dasar ekonomi Madani yang hendak dilaksanakan di negara kita bagi menggantikan dasar-dasar lama ekonomi ke arah melahirkan masyarakat yang mampan, sejahtera dan berpendapatan tinggi.

36. PR-1523-L21196

Datuk Wetrom bin Bahanda [Kota Marudu] minta **MENTERI PERTANIAN DAN KETERJAMINAN MAKANAN** menyatakan apakah pihak Kementerian mempunyai pelan jangka panjang dan jangka pendek membantu mempertingkatkan hasil padi di kawasan Kota Marudu. Fasiliti-fasiliti seperti tali air yang tidak dibaik pulih dan diselenggara antara lain menyukarkan petani-petani dan menyebabkan tanah tidak dapat diusahakan.

37. PR-1523-L22551

Datuk Haji Awang bin Hashim [Pendang] minta **MENTERI SUMBER MANUSIA** menyatakan pecahan pelajar yang berjaya menamatkan pengajian dalam bidang TVET seterusnya mendapat pekerjaan dan apakah kaedah atau mekanisme bagi memantau kadar kebolehpasaran pelajar bidang kemahiran di negara ini.

38. PR-1523-L21101

Tuan Hassan bin Abdul Karim [Pasir Gudang] minta **MENTERI EKONOMI** menyatakan mengapa data-data statistik menunjukkan peratusan inflasi menurun sekarang tetapi harga barang-barang keperluan rakyat terutama barangan bukan kawalan tetap naik tinggi.

39. PR-1523-L22397
Dato' Indera Dr. Suhaili bin Abdul Rahman [Labuan] minta **MENTERI EKONOMI** menyatakan bagaimanakah Dasar Gaji Progresif yang akan dijalankan secara sukarela akan memberi impak yang positif kepada gaji pekerja sedangkan sasaran gaji penengah pekerja untuk tahun 2025 telah berkurangan dari RM2,900 sebulan di dalam RMKe-12 kepada RM2,700 sebulan di dalam KSP RMKe-12.
40. PR-1523-L21388
Tuan Chow Kon Yeow [Batu Kawan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah perkembangan terkini Projek Air Perak Pulau Pinang yang merupakan penyelesaian jangka panjang berpotensi dalam menangani keperluan air mentah bagi negeri Pulau Pinang dan juga Perak sehingga 2050. Bilakah inisiatif perbincangan dengan Kerajaan Negeri Perak sebagaimana dinyatakan sebelum ini akan berlangsung.
41. PR-1523-L22091
Tuan Roslan bin Hashim [Kulim Bandar Baharu] minta **MENTERI PENDIDIKAN TINGGI** menyatakan adakah Kementerian Pengajian Tinggi menghalang penglibatan universiti, politeknik dan kolej komuniti untuk melibatkan diri dalam program-program Kerajaan negeri pembangkang.
42. PR-1523-L22039
Dr. Hajah Halimah Ali [Kapar] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan senarai projek tuntas mitigasi banjir di Kapar (semua DUN) termasuk kos dan garis masa serta pencapaian semasa.
43. PR-1523-L21877
Tuan Azli bin Yusof [Shah Alam] minta **MENTERI EKONOMI** menyatakan tahap keberhasilan program IPR sehingga bulan September 2023 bagi meningkatkan ekonomi golongan B40 khususnya dalam menoktahkan golongan miskin tegar dan mengangkat pendapatan golongan miskin.
44. PR-1523-L21109
Datuk Seri Johari bin Abdul Ghani [Titiwangsa] minta **MENTERI PERTANIAN DAN KETERJAMINAN MAKANAN** menyatakan berapa jumlah pengeluaran beras negara pada tahun 2020, 2021 dan 2022 yang diusahakan oleh pesawah tempatan dan berapakah keluasan tanah yang diguna pakai untuk pengeluaran beras mengikut negeri-negeri.

45. PR-1523-L22305

Tuan Nurul Amin bin Hamid [Padang Terap] minta **MENTERI PENDIDIKAN TINGGI** menyatakan inisiatif Kementerian bagi membantu meringankan kos sara hidup mahasiswa khususnya dari keluarga B40 yang turut menjadi mangsa kemelut ekonomi akibat lonjakan harga barang keperluan dan pemansuhan subsidi.

46. PR-1523-L22466

Tuan Lee Chuan How [Ipoh Timor] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah rancangan Kerajaan bagi memperincikan garis panduan ataupun akta sedia ada dalam memastikan kawal selia REE yang berkesan.

47. PR-1523-L22112

Tuan Syahredzan bin Johan [Bangi] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan perkembangan susulan lawatan Menteri ke tapak pelupusan sampah haram di Twin Palms Sungai Long dan Black Water Lake Mahkota Cheras pada 30 Mei 2023, serta langkah-langkah jangka pendek, sederhana, panjang dan garis masa bagi menyelesaikan isu pencemaran di lokasi tersebut.

48. PR-1523-L22590

Tuan Mohd Nazri bin Abu Hassan [Merbok] minta **MENTERI PERTANIAN DAN KETERJAMINAN MAKANAN** menyatakan :

- (a) spesis dan kriteria benih padi yang telah dipilih untuk projek penanaman padi 5 kali dalam masa 2 tahun; dan
- (b) unjuran perbelanjaan untuk peruntukan RM3 bilion yang diumumkan dalam peruntukan di bawah RMK-12.

49. PR-1523-L21602

Dato' Sri Ismail Sabri bin Yaakob [Bera] minta **MENTERI EKONOMI** menyatakan jumlah keluarga miskin tegar yang telah berjaya dikeluarkan daripada senarai miskin tegar sehingga Ogos atau September 2023 seiring dengan hasrat Kerajaan untuk menoktahkan miskin tegar pada hujung tahun ini.

50. PR-1523-L22289

Tuan Gobind Singh Deo [Damansara] minta **MENTERI EKONOMI** menyatakan langkah-langkah yang dalam tindakan atau cadangan untuk mengurangkan atau mengatasi kadar inflasi yang semakin melonjak naik dan sekiranya ada apakah langkah-langkah yang sedang diambil untuk melaksanakan.

51. PR-1523-L22071

Dato' Hajah Mumtaz binti Md Nawawi [Tumpat] minta **MENTERI EKONOMI** menyatakan :

- (a) status terkini perolehan dan tarikh permulaan pembinaan Jambatan Palekbang - Kota Bharu yang telah diluluskan dalam Rancangan Malaysia Kesebelas (RMK-11) akan dimulakan memandangkan kini ia telah melebihi suku kedua 2023 dan ia merupakan satu projek yang akan memberi impak besar kepada negeri Kelantan; dan
- (b) berapa kos tambahan yang terpaksa ditanggung akibat kelewatan ini.

52. PR-1523-L21390

Tuan Chow Kon Yeow [Batu Kawan] minta **MENTERI PENDIDIKAN TINGGI** menyatakan perancangan Kementerian untuk mengintegrasikan elemen Pendidikan Teknikal dan Latihan Vokasional (TVET) dalam bidang-bidang pengajian lain bagi menambah nilai kebolehpasaran graduan di semua institusi pendidikan tinggi (IPT) kini. Kongsikan juga perangkaan mengikut pecahan negeri mengenai jumlah graduan, pengajian yang diikuti dan lokasi penempatan selepas tamatnya pengajian.

53. PR-1523-L22422

Dato' Sri Dr. Haji Ismail bin Haji Abd. Muttalib [Maran] minta **MENTERI PELABURAN, PERDAGANGAN DAN INDUSTRI** menyatakan adakah Kementerian bercadang untuk mewujudkan peluang pelaburan seperti membuka kilang-kilang atau industri di Parlimen Maran bagi memberi peluang pekerjaan kepada penduduk setempat serta meningkatkan sosioekonomi.

54. PR-1523-L21429

Tuan Lim Guan Eng [Bagan] minta **MENTERI EKONOMI** menyatakan bilakah penggunaan pendapatan boleh guna sebagai takrifan kumpulan B40, M40 dan T20 serta asas kelayakan penerimaan subsidi bersasar akan dilaksanakan serta jumlah perbelanjaan Kerajaan untuk subsidi baru berbanding dengan lama.

55. PR-1523-L22149

Dato' Dr. Ahmad Yunus bin Hairi [Kuala Langat] minta **MENTERI KERJA RAYA** menyatakan status naik taraf jalan raya di daerah Kuala Langat (B5, B31 dan B32) kerana kualiti jalan raya yang uzur dan cat jalan yang pudar di samping tiada pencahayaan.

56. PR-1523-L21537

Dato' Seri Haji Aminuddin bin Harun [Port Dickson] minta **MENTERI SUMBER MANUSIA** menyatakan bagaimana Kementerian Ekonomi merancang untuk mengatasi isu pengangguran di kalangan belia dan apakah inisiatif Kementerian dalam memajukan sektor perindustrian tempatan.

57. PR-1523-L21585

Datuk Seri Panglima Madius Tangau [Tuaran] minta **MENTERI KERJA RAYA** menyatakan bilakah pembinaan Lebuhraya Pan Borneo yang melibatkan jajaran Menggatal-Tobobon-Bulatan Berungis dan Serusop-Pituro-Kota Belud.

58. PR-1523-L22472

Tuan Sabri bin Azit [Jerai] minta **MENTERI PENDIDIKAN TINGGI** menyatakan penjelasan isu halangan pelajar universiti untuk turun ke program anjuran pejabat Exco Kerajaan Negeri seperti yang berlaku di negeri Kedah.

59. PR-1523-L22197

Tuan Chong Chieng Jen [Stampin] minta **MENTERI PERTANIAN DAN KETERJAMINAN MAKANAN** menyatakan apakah status pembangunan projek Jelapang Padi Batang Lupa di Sarawak yang dimulakan pada tahun 2013 yang terlibat Pembangunan seluas 5000 hektar.

60. PR-1523-L21969

Tuan Haji Wan Hassan bin Mohd Ramli [Dungun] minta **MENTERI PERTANIAN DAN KETERJAMINAN MAKANAN** menyatakan langkah-langkah jangka pendek, sederhana dan panjang yang akan dilaksanakan oleh Kementerian dalam menghadapi masalah kekurangan beras tempatan di pasaran.

61. PR-1523-L21297

Dato' Sri Doris Sophia anak Brodi [Sri Aman] minta **MENTERI SUMBER MANUSIA** menyatakan usaha Kementerian menangani isu pengangguran di kalangan siswazah di negara kita.

62. PR-1523-L21545

Dato' Indera Mohd Shahar bin Abdullah [Paya Besar] minta **MENTERI EKONOMI** menyatakan apakah langkah Kerajaan untuk merapatkan jurang pendapatan isi rumah yang semakin besar di negeri selain Kuala Lumpur, Selangor, Pulau Pinang, Melaka, Johor.

63. PR-1523-L22685

Datuk Jonathan Yasin [Ranau] minta **MENTERI KERJA RAYA** menyatakan jalan Persekutuan dari Kg Pasir Putih Ranau ke Kg Tontolob di sempadan Tambunan sudah banyak jalan-jalan yang rosak, runtuh dan sempit berbahaya tetapi tiada tindakan segera dari pihak Kementerian Kerja Raya untuk menangani segera masalah ini. Bilakah pihak Kementerian akan tangani masalah jalan-jalan yang rosak ini.

64. PR-1523-L21889

Tuan Azli bin Yusof [Shah Alam] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan perkembangan dan kemajuan kerja tebatan banjir di Sungai Klang (Sri Muda) yang sepatutnya bermula pada April 2023. Berapa jumlah yang akan dibelanjakan pada tahun ini, peruntukan untuk tahun 2024 dan tahun 2025.

ATURAN URUSAN MESYUARAT DAN USUL-USUL

1. **Pertimbangan ke atas Rang Undang-undang Perbekalan 2024 (D.R.31/2023) dan Usul Anggaran Perbelanjaan Pembangunan 2024 seperti berikut :**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari sembilan puluh dua bilion ringgit (RM92,000,000,000) dibelanjakan daripada Kumpulan Wang Pembangunan bagi tahun 2024, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2024, yang dibentangkan sebagai Kertas Perintah 34 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (2 November 2023)

2. (D.R. 33/2023) **Rang Undang-Undang Syarikat (Pindaan) 2023 - Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang," (12 Oktober 2023)**

[Menteri Perdagangan Dalam Negeri dan Kos Sara Hidup]

3. (D.R. 25/2023) **Rang Undang-Undang Kawalan Produk Merokok Demi Kesihatan Awam 2023 – Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“BAHAWA Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

4. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**
[Menteri Kesihatan]

5. PR-1523-U(27)278
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

6. PR-1523-U(27)279
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

7. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

8. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlahankan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

9. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

10. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

11. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

12. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

13. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

14. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

15. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

16. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

17. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

18. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

19. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

20. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan

Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

21. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

22. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiaga siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

23. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

24. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

25. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

26. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

27. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST. 195	Laporan Tahunan dan Penyata Kewangan Perbadanan Putrajaya Bagi Tahun 2021	6 November 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 06.11.2023 (Isnin)	1. YB Dr. Mohammed Taufiq bin Johari (Sungai Petani)	1. Pembinaan Kompleks Kesihatan Awam Sungai Petani	1. YB Menteri Kesihatan
2. 06.11.2023 (Isnin)	2. YB Dr. Mohammed Taufiq bin Johari (Sungai Petani)	2. Baik Pulih Kerosakan Struktur Kantin Sekolah Kebangsaan Seri Kuala	2. YB Menteri Pendidikan
3. 06.11.2023 (Isnin)	3. YB Datuk Wira Hajah Mas Ermieyati binti Samsudin (Masjid Tanah)	3. Penguasaan 3M (Membaca, Menulis & Mengira) untuk Pelajar di Parlimen Masjid Tanah	3. YB Menteri Pendidikan
4. 06.11.2023 (Isnin)	4. YB Datuk Wira Hajah Mas Ermieyati binti Samsudin (Masjid Tanah)	4. Perkembangan Terkini berkenaan Dasar 5G Negara	4. YB Menteri Komunikasi dan Digital

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**